



cfa.vic.gov.au

# Mesej Penting 2023 – Keselamatan Kebakaran di Rumah

## Di dalam dapur

Memasak di dalam dapur merupakan punca kebakaran tunggal yang terbesar di rumah.

Jangan sekali-kali meninggalkan masakan anda tanpa dijaga.

Jaga kebersihan perkakas memasak dan kawasan memasak anda. Bersihkan gris, habuk dan minyak.

Benda yang mudah terbakar, seperti pengesat pinggan mangkuk atau tuala kertas mestilah disimpan jauh daripada sumber memasak dan punca haba.

Sentiasa awasi kanak-kanak di dalam dapur. Pastikan anda menjauhi mereka daripada bahagian atas dapur dan ketuhar.

## Elektrik

Periksa papan kuasa anda yang ianya tidak mempunyai beban lebih dan pastikan kabel anda disimpan rapi.

Pastikan monitor, komputer riba, televisyen dan peralatan lain mempunyai aliran udara yang baik di sekelilingnya dan tidak berada dalam ruang yang terbatas atau tertutup.

Jangan tinggalkan peralatan elektronik seperti komputer riba dan telefon terbiar atau mengecas di atas katil atau perkakas rumah yang lembut.

## Alat Pemanas

Pastikan pakaian yang sedang dikeringkan dan barang-barang lain adalah sekurang-kurangnya satu meter jauh daripada semua sumber pemanas.

Lindungi kanak-kanak di sekitar alat pemanas dan api bernyala. Jangan biarkan kanak-kanak berada terlalu dekat dan jangan sekali-kali meninggalkan mereka tanpa pengawasan.

Jangan sekali-kali membiarkan alat pemanas mudah alih dan pendiang anda tanpa dijaga; tutup alat pemanas dan pastikan bara api pendiang dipadamkan sebelum meninggalkan bilik tersebut.

## Penggera Asap

Periksa bahawa penggera asap anda berfungsi untuk melindungi anda dan orang-orang yang disayangi anda.

Jika berlaku kebakaran, anda mungkin tidak terjaga tanpa penggera asap yang berfungsi di setiap kawasan kediaman dan tempat tidur rumah anda.

Pasangkan penggera asap di semua bilik tidur dan kawasan kediaman di rumah anda.

Penggera asap yang saling berkait disyorkan. Apabila sebuah penggera asap berbunyi, semua penggera akan berbunyi maka anda mempunyai peluang yang lebih baik untuk menyelamatkan keluarga anda.

Ujikan penggera asap setiap bulan dengan menekan butang uji untuk memastikannya ia berbunyi bip.

## **Rutin Sebelum Tidur/Waktu Malam**

Padamkan semua perkakas elektrik seperti seterika, dapur dan alat pelurus rambut.

Lebih baik agar tidak mengecas telefon bimbit, tablet atau komputer riba semalaman.

Jangan gunakan mesin basuh atau mesin pengering semalaman.

Tutup alat pemanas dan padamkan api yang dinyalakan dengan kayu api.

Pastikan anda memadamkan semua lilin dan api rokok dengan betul.

Pastikan anda tahu apa yang anda perlu lakukan jika kebakaran mula mencetus. Rancang cara anda akan melepaskan diri daripada kebakaran di rumah anda dan latihkan ini dengan seluruh keluarga anda.

Semak laman web CFA untuk mendapatkan petua lanjut mengenai keselamatan kebakaran rumah di <https://www.cfa.vic.gov.au/plan-prepare/fires-in-the-home>

*Maklumat hubungan media: 1300 CFA MEDIA atau [cfamedia@cfa.vic.gov.au](mailto:cfamedia@cfa.vic.gov.au)*